

## ازاي تقدر تحوش حتى لو دخلك قليل؟

مش لازم يكون دخلك كبير او من الأثرياء علشان تفكر ازاي توفر او تحوش فلوس. كثير من الناس لما يبشوفوا مقالات عن توفير وتحويش الفلوس، يتساءلوا هيا فين الفلوس أصلا اللي هنحوشها بسبب ان الدخل على قد المصاريف لو مكنش اقل. الإجابة هي ان التحويش ووضع خطة مالية هو وسيلة للتفكير والإدارة لا علاقة له بالمبلغ اللي بتكسبه. مش سهل طبعا تحسين وضعك المالي بدخل منخفض بس ممكن تعمل كده بشوية ترتيب للأفكار وابداع.

### - قلة تكاليف الإقامة

تكاليف السكن هي من اعلى المصاريف اللي بيتعامل معاها الناس سواء كنت مالك لو مستأجر. ودي شوية أفكار ممكن تساعدك توفر أكثر  
للمستأجر: -ابحث عن سكن أرخص  
-حاول تبحث عن المنازل على الانترنت، لتجنب دفع تكاليف إضافية للوسطاء  
للمالك: -راقب تكاليف المرافق.  
-حافظ على البيت في حالة كويسة واهتم بصيانتته لتجنب الإصلاحات المكلفة.

### - بدل موارد الطاقة الخاصة ببيك

الغاز والكهرباء موارد ضرورية. مفيش حد يقدر يعيش من غيرهم بس ممكن تاخذ نفس الخدمة بتكلفة اقل. شوف [9](#) عادات طورها وحوش فلوس أكثر. علشان تعرف أكثر ازاي توفر الفلوس في الموارد الأساسية.

### - قلة من مصاريف الاكل

واحدة من التكاليف والنفقات الرئيسية كل شهر في ميزانية أي حد. حاول تاكل في البيت أكثر والعزومات والتجمعات ممكن تعملها في البيت بدل من التجمع في مطاعم. ممكن برضه تشتري منتجات البقالة من على الانترنت والمقارنة بين أسعارها علشان تاخذ اقل سعر بأقل مجهود. وافتكرو ديمنا ان أحسن نصيحة هي اشترى الاكل مقدما مش وانت محتاجة.

### - بيع بعض الممتلكات واشتري مستعمل

اعمل يوم في السنة تدور فيه في بيتك على الحاجات اللي مبقتش تستخدمها. هتلاقي حاجات كثير، اعرضها على الانترنت. دلوقتي في مواقع كثير ببلاش تقدر تعرض عليها بضاعتك القديمة. وكيان اشترى اللي الناس بتبيعه ممكن تلاقي حاجات كثير حالتها كويسة وتقدر تستخدمها وكيان بسعر كويس.

### - دور على طرق تزود بيها دخلك

دور علي كورسات او شهادات لتعزيز حياتك المهنية و تسرع في التدرج الوظيفي. او تدور علي شغل جانبي مناسب لمواعيد شغلك و يساعدك تزود دخلك أكثر. ممكن تلاقي وظائف كثير مناسبة علي الانترنت لشركات او افراد